

佛經選要

黃維瑛題



佛經選要編纂會

名譽會長：吳悟達

會長：張澄基

副會長：馮公夏李世華

會員：高大添章達

顏世亮奚玉書

施剛巽孫家良

金振玉

秘書：劉銳之

主任編纂：羅時憲

編纂：邢述之劉銳之

江妙吉祥

校勘：謝卓如勞建川

一九六一年十月初版

佛經選要

精裝二冊
普及裝三冊

定價：

精裝港幣三十元
普及裝港幣十五元

編纂者 佛經選要編纂會

羅時憲選輯並提要

邢述之

劉銳之同選輯

江妙吉祥

出版者 金剛乘學會

香港堅道五十六號

經售者 金剛刻經處

香港九龍土瓜灣鶴齡街二十一號

承印者 大乘印務公司

電話：八二九一八一

選輯後記

一九五七年三月，佛教學者張澄基自美來港，於述學之餘，每歎佛法博大精深，典籍浩繁，初學卒難通曉；欲別闢塗徑，從大藏經選取深入淺出之文，輯成綱要，作入門之指引，以便學人。馮公夏、李世華、吳悟達、劉銳之等深然其說；乃於同年四月十七日，成立佛經選要編纂會，推澄基爲會長，公夏、世華副之，悟達爲名譽會長，孫家良、奚玉書、施剛巽、高大添、金振玉、顏世亮、韋達皆爲會員；囑憲主其事，銳之、邢述之、江妙吉祥共勸其成，謝卓如、勞建川發心校對。五月，設編纂處於堅道五十六號，先釐定綱要，然後就日本大正新修大藏經內，依綱選輯，裁其煩重，補其未備，連綴成篇。一九五八年八月，述之因事他往，銳之妙吉祥踵其功。至本年三月而書成。復承公夏、世華之囑，加撰提要，總別共十四篇。其中密乘一篇，則因銳之爲此宗學者，於東藏二密皆有師承，原稿由其執筆，而憲潤飾之。自維謙陋，謬裁至教，妄綴深文，意誠不安。而藏經浩博，有簡要塗徑，似易窺其籙籊；爲後賢先路，竊不敢不盡其眚勉。世有大德沙門，通經居士，或當恕其僭越也。一九六一年三月二十七日，羅時憲記。

序

佛法廣大高深，原分三藏十二部，三藏卽經律論，在三藏中別爲十二部教，卽長行，重頌、孤起頌、本事、本主、因緣、譬喻、無問自說、未曾有、方廣、論議、授記，以長行重頌孤起頌屬文法，通於佛教大小乘，以本事本生因緣譬喻爲小乘，無問自說與未曾有通及大乘，其餘方廣論議授記俱屬大乘。

迨佛教傳至中國，又別爲教禪律淨密五宗，以教下最廣，天台賢首法相三家俱屬之，禪宗自六祖惠能大鑑下分臨濟滄仰曹洞雲門法眼五派源流，律宗自道宣律師弘揚四分以外善攝大乘，淨土專弘淨土法門，密宗重師資傳承。

上述三藏聖教，暨歷來古德著述論疏注釋卷秩浩繁，歷朝人大藏經，及未入者，逾萬卷有奇。初機入門者雖窮年累月，未易窺見藩籬，遑論堂奧，而欲求佛法普及，更非易事。

漢明帝時佛教東傳，摩騰法蘭首譯四十二章經，佛言，佛所說經，皆應信順，譬如食蜜，中邊皆甜，吾經亦爾，秦主迎彌天釋道安入關，沙門皆隨師姓，安曰，莫如釋佛之姓。及增壹阿含有云，四河入海，皆同一味，無復異名，所謂歸源性無二也。

香港佛教居士馮公夏、李世華、高大添等，發起編印佛經選要，聘請羅時憲教授、暨劉銳之、江妙吉祥居士等任編纂事，從經論中擷精輯要，列爲十三篇，每篇益附提要，參用現

代語說明主旨，慇懃歷三載告成，刊印流通，在現未際，與學人以階梯。論語曰，行遠必自邇，登高必自卑，趣順正知正見，成一系統教法，其功德不可思議。

是書獨標體例，本如是我聞之深意，敷陳經句法字不移，學人循系統探討之餘，當能體悟聖教原意，方便實相，真俗二諦，兼而有之。法海津梁，霾天杲日，意義之大，功德之勝，視普及尤極，余歡喜讚歎，用伸其意而序之，以作弘傳不朽。

佛曆二千五百〇五年歲次辛丑八月十日

釋筏可序於大嶼山寶蓮寺如是室

序

夫佛法一味，宗歸不二，非龐雜而無統緒者比。持以衆生性多，不能偏執一道以化之，如神教之類，以故佛陀設教，適化無方，或權或實，或頓或漸，說事說理，有折或攝，難行易行，自力他力；或導以人天，或教以涅槃，或化以菩提；或廻小果而趣入，或藉天道而巧入，或基人行而直入，法法無量門，門門無量義，乃能慧日獨朗，無一法而不明；教網高張，無一機而不攝，如空之含孕萬象，若海之徧印衆色。佛法之所以能徧攝羣機，漸教漸深，而莫不同成佛道者也。

自佛日潛輝，天竺中華，聖哲代起。適應殊異區域，誘化不同衆生，而後宗義多途，門庭各異。會歸一乘，終無二致，誠能繼述佛意，弘廣無盡者。

惟是法門淵廣，初學者或有望洋興歎，莫測涯際之感，而佛法難普及矣。而淺入者，或執片面爲全體，誤方便爲真實，基我慢而自標其高，隨己見而謂此獨是，是則佛法不特以是難普及，且更以是難一致；然應種種性，現種種身，說種種法，斯理決定，猶若金剛，若佛法之難普及，多諍論，則是不學淺學者之過也，亦人力之未盡。居今而言佛法，因不能不於此而設巧方便焉。

前年，張澄基先生自美還台，深於此而致其悲願。願有一徧採羣經，廣探衆論，內容務

求其備，敘述必舉其要。纂錄成書，是以代表一切佛法之全貌，使人手此一冊，即能識佛法之全，法之要，法之門；廣開衆途而歸一致，雖擬稱其書曰「佛教聖經」，非某所敢苟同。然其立意之適宜與需要，固隨喜而無異辭。

秋自菲返，道出香江，乃知大心居士馮公夏、李世華、吳悟達先生等，善張澄基先生言，禮請羅時憲、劉銳之、江淑嫻諸居士，已編纂而成書，且名之爲「佛經選要」矣！是知爲佛法而發大心者，固大有人在焉！不禁欣慰無量！

聞羅君之說，讀選要之目，乃知書以境行果爲次，畧及般若中觀，而大都錄自阿舍、瑜伽、成唯識論。然不以瑜伽唯識之宗學而自拘，復編次淨土，禪及眞言於後，事出創始，固難能而可貴矣！此書之出，學者宜可漸識通途。後之君子，基是而增益之，改編之，日新又新，愈博愈約，則今佛法之難普及，多諍論，庶得廓然一清，而放佛法光明於無限也。

馮君問序於余，因畧抒所感以應之。時中華民國四十八年九月一日，印順序於新竹福嚴精舍。

序

佛學淵深，妙義無量，著之於書者稱三法藏焉。日經曰律曰論，而三藏之間，又統爲十二部，分大中小三乘，於理無不包，於物無不攝。其文流於中國者，且歷有所增，梁之時有五千四百卷，唐貞元間增二百七十五卷，宋又增七百七十五卷，及至明代，則浩浩然通爲六千二百二十九卷矣。故雖有志叢林，亦恐皓首而不易周覽羣籍，歷朝有心於法雨慈雲者，莫不思輯錄其要，以利四衆，如唐之開元釋教錄，如宋之法寶標目，大藏一覽，如明之寶積三昧集等，其書固佳，然苟非忽於表義，則擇焉而不精，成爲美中不足，尤不能爲初學佛理者得窺衆寶之梗概也。世華束髮受書，卽皈依聖教，對於大法典籍，稍涉庭戶，已覺茫然，益知撥拾三藏英華之書，實有必要，區區之心，由來久矣。一九五六年冬，適張澄基教授，以省親自美經港，張教授博於佛學，余以劉銳之君之介，得與納交。港中佛教學人，亦請澄基公開講演大法，聽衆逾數千人。是時有請其開列如佛學津梁之書籍，俾知三藏要理者，澄基苦無以應，蓋亦知有情世界，亟宜有此類書，以弘揚教理也。遂倡議編纂佛經選要於余，余既早有此心，遂欣然隨馮公夏、吳悟達、高大添、韋達諸君子之後，附和其議，並組會以進行其事。復聘羅時憲教授主持編纂，邢述之、江妙吉祥、劉銳之諸子勸助之，閱時三載，方克脫稿。其分門別類，自教主至宗門法要，列爲十三篇，每篇又分章節若干，約八十餘萬

字，佛學精華，爛然滿目，噫嘻，其廣矣哉！時憲銳之方付鏤梓，來索序於余，余以佛教大法，已提要鉤玄，讀之者自可明心悟理。况世華不敏，又何敢序其首簡，然既承二君之請，余以與此書刊刻，畧有因緣，復以大法凋零之時，祛逐妄緣，挽人心於正軌，苟有心護法者，孰不欲一表心迹，故不辭爲之序。

辛丑春新會李世華謹序於香港

序

古德云：「依文解義，三世佛冤；離經一字，便成魔外。」弘揚大法，若是其難耶！余垂髫志道，弱冠學佛，嘗讀大毘婆娑論，至三絕其韋。漸習摩訶衍，會香海蓮社諸上善人，供奉吾華諸藏外，並及扶桑之新修大正藏，余因附驥迎請，淨供齋中，便昕夕參讀。庸詎知日月悠悠，彈指十餘年，豈特遍讀之願難圓，即涉獵瀏覽，亦恨未普焉。于戲！河伯望海若而歎，歎者何？歎其浩瀚也。况余即鼯鼠飲河之量，原亦無之乎！余因而有感，向知道偉葛德 *Dwight Goddard* 有佛教聖經 "*A Buddhist Bible*" 之輯，而香港特達之士儘多，如從大藏纂選精要，輯成節本，若吾華士子之有巾箱，奚不能省讀藏者量海算沙之勞歟？余蓄此念者，蓋已久矣。丁酉秋，值張教授澄基赴美國講學，道經香港，首倡編纂佛教聖經，竟與余夢寐企求者，若合符節，歡喜踴躍之餘，乃與摯友李世華、顏世亮、吳悟達、高大添、施剛巽、韋達、奚玉書、金振玉、孫家良諸子，組成佛教聖經編纂委員會，集鉅資，闢別館，規模既具，乃延聘羅教授時憲、江居士妙吉祥、邢居士述之、劉居士銳之四人共主輯事，輔以書手五六人，負謄錄之責。而顏子世亮並以其本人所供之新修大正大藏全部，爲各主輯者摛摘之求，由是發凡起例，挈要鉤玄，歷時四載，始竟全功。中間萬緒千頭，備嘗艱苦，唯膺其事者知之，無煩縷述也。至於書名之釐訂，綱目之纂次，提要之附麗，皆經委員會竭慮殫

精所抉擇，終爲羅教授肯定而操翰者。初稿既竣，遍送諸山長老，居士大德鑑閱，龍天護念，花雨紛來，贊助者無數。於是十餘年橫梗於胸次者，一旦渙然，慰可知也，書成爲出其始末因緣如上。余知懷讀藏之願者，既得是篇，必如把帝網之一珠，而重重無盡之華藏光明，莫不此一珠之影現攝受。善哉！善哉！何需解義，又不離經，津梁之溥，曾不尤愈於滿益大師之閱藏知津也耶。辛丑夏馮公夏序

序

比年邀集縑素名德修訂中華大藏旨在蒐集歷代已入藏之經書集其大成而復輯錄歷代未入藏之經書補其未備夫以佛典之浩瀚無垠甄其同異別其門類五易寒暑僅成目錄草案總數達四千餘部尙未能勒爲定本殺青之期蓋猶有待竊謂以此洋洋巨帙累年不能窮其業畢世不能究其學將何以含英咀華提綱挈領使飲大海者皆得滿腹入寶山者不復空回斯時劉子銳之適以與諸同道合輯之佛經選要徵序於余不禁作而歎曰有是哉諸君子用心之勤也余之修訂大藏意在求備諸君子之爲選要意在求精非求備不足以供探討非求精不足以利皈向二者似相反而適相成不謀而合各極其用佛日增輝其有朕乎抑就大藏中選精擇粹自古有之唐智嚴法師輯大乘修行菩薩行門諸經要集在宋藏觀函道世法師輯諸經要集在宋藏帳至楹函燉煌石室發現諸經要抄及菩薩藏修道衆經抄今歸日本大谷大學自亦爲唐人所集明景隆法師撰大藏要畧載於釋教彙目義門其書不傳若滿益大師之法海觀瀾陳實居士之大藏一覽集體例不同用意無異乃至清世宗之經海一滴近代丁福保居士之佛經精華錄尤昭昭在人耳目類斯作者未易縷數近年台灣玄妙法師撰圓頓心要專倡宗門亦由諸經及語錄輯出余曾爲之作序今者諸君子又有選要之作觀其綱舉目張隱括一代時數是於求精之中仍寓求備之意方之古今作家如秋菊春蘭各擅其致蓋有未易爲軒輊者也以佛教經典之多每人所見不同自難折衷一是亦猶儒書之經史詩文選本層見叠出各有讀者果能契一類之機度

一時之衆其事爲不虛作若夫行起解絕我佛四十九年未曾說着一字豈唯選要是指非月卽余所修大藏亦當體皆空惟有契證於文字名相之外庶與諸佛出世本懷諸祖西來大意少分相應竊願告夫讀是書者

中華民國五十年夏日

臨海屈映光序於台灣大溪

序

丁酉孟春，張澄基居士道過香江，首倡編纂佛經選要之議，李世華、馮公夏、吳悟達、孫家良、奚玉書、施剛巽、金振玉、劉銳之、顏世亮、韋達居士等大願大心，爰成立佛經選要編纂會。聘羅時憲教授、暨邢述之、劉銳之、江妙吉祥居士等，負輯選之責。歷時四載，編纂完成，於辛丑中秋，出版流通。余以從諸居士之後，黽勉勦將，樂觀厥成。於其付梓之日，居士等屬序於余。余何言哉？古德有云：大藏經者，如來之慧命，人天之眼目，無明長夜之智炬，生死苦海之慈航，覺先覺後之法源，世出世間之道本。若非宿植善根，歷劫莫聞名字；况親承供養，受持誦讀，依之修行，以迄圓證乎。夫法海汪洋，遍遊匪易，望而興歎，有待津梁。是書取魏徵羣書治要之意，於大藏羣經中，選其綱要，擷其精華，別爲十三篇，每篇均附提要，有條不紊，系統儼然。不獨初機學者，得以循序漸進，而標示真詮，闡發實相，皆能於此探究討索而得之。庶羣山萬壑，都赴荆門，百川衆流，同歸大海。是則佛經選要，屬諸創舉，誠不朽之勝事，希有之奇緣。余不揣固陋，弁以數言，用介末世讀者。

辛丑秋日高大添序於香江

贊助人名錄

(依姓名筆畫定先後)

元果

何善衡

岑維休

星雲

梁隱盒

方慧淨

何耀光

性如

胡國偉

陳志皋

毛文達

佛鄰居士

招張德奇

段劍青

陳錫亮

王道

吳寬性

明常

茂峯

陳靜濤

王愷

妙峯

東初

茂蕊

陳呂重德

王宗鏊

妙蓮

松泉

唐君毅

陳李文薇

王明慧

宏賢

林少彬

徐可均

陸伯弢

王澤長

李炳南

林俠菴

格賴達吉

陸慕霞

田浩

李逸塵

林楞真

袁琦

馮其湘

白聖

李福衡

林錦東

馬常悅

勞天庇

任譽禎

周有

牧田諦亮

敏智

智光

印順

周祥光

竺摩

畢俊輝

曾果成

呂智帷

周能樸

邵黃志儒

梁少峯

曾壁山

旭朗

屈映光

南亭

梁澤雲

黃雲

超塵
道安
黃允叟
黃庚世
黃國芳
黃鳳翎
黃繩曾
楊日霖
聖嚴
廖佛如
演培
趙恒惕
劉百閔
劉逸吾
劉廖逸霞
潘關瑞卿
蔡如淵

蔡念生
蔡貞人
曉雲
盧君雅
盧述卿
盧星階
蔣法賢
錢召如
謝家寶
謝寬行
鍾伯毅
鍾瑞蘭
譚雲山
嚴道
嚴寬祐
繼航
覺光

蘇亦剛
蘇會懿
釋明慧
釋金山
釋洗塵
釋智林
釋筏可
釋愍生
釋寬如
釋寬榮
釋寬慧
釋慈祥
釋澄眞
釋慧瑩
釋覺岸
釋靈源
饒宗頤

續明

佛經選要目錄

釋迦牟尼佛聖像

佛滅後七百年釋迦像

目次

正文

選輯後記

序

贊助人名錄